



Mbouj Miz Gungcanjdangj, Gangj Maz Cungguk Moq?

没有共产党，谈啥新中国？

□ Lwgbouxcuengh

Mbouj miz gungcanjdangj,
Gangj maz Cungguk moq,
Hag lizsij cij rox,
Cungguk moq dangj hawj.

Gaxgonq raeuz Cunghgoz,
Beksingq hoj youh gungz,
Ngaiz sam goengq bya hung,
Fung daenz gwnz dingj gyaeuj.

Dangj lingjdauj beksingq,
Gwzming vih daihgya,

Doifan sam goengq bya,
Danggya guh bouxcawj.

Hoenx ndaej liux bya dah,
Guekgya vanzlij hoj
Yaek byaij gijmaz loh,
Doxhab cingzgvang raeuz.

Seveicujyi loh,
Doxhab raeuz guekgya,
Saenqhwnz raeuz Cunghvaz,
Ga loh neix byaij deng.

Seveicujyi ndei,
Gwnz hei(haw) daengz lajmbanj,
Vunzlai roengzrengz can,
Gwn van daenj hix raeuj.

Guh gaijgwz hailangh,
Dangj vih raeuz beksingq,
Ok haujlai gvidingh,
Hawj beksingq fatcaiz.

Yamq haeuj seizdaih moq,
Yied byaij loh yied gvangq,

Cienzmienh guh siujgangh,
Beksingq angq raixcaix.

Lizsij youq neix baij,
Vunzlai bouxboux raen,
Minz fouq guek hix maenh,
Bouxboux raen liux nauq.

Mbouj miz gungcanjdangj,
Gangj maz Cungguk moq?
Guh maenh 'ak Cunghgoz,
Doq dwg dangj lingjdauj.

Fwen Haenh Cibgouj Daih

十 九 大 赞 歌

□ Ganh Vwnzswng Yiz Ciz / 甘文胜 余执

Cibgouj daih haihoih,
Gangj mbouj noix diuz daez,
Siz Ginbingz yawj gyae,
Gangj lae lumj raemxmboq.

Cibgouj daih gangj naeuz,
Hawj raeuz duet gungzhoj,
Hanh bae daengz bi moq,
Duet hoj caeuq duet gungz.

Cibgouj daih baugau,
Gangj hau lumj dufaiq,
Haenqrengz guh dahraix,
Cij byaij ndaej daengz gwnz.

Bouxmbanj caeuq bouxrung,
Miz bouxgunz bouxhoj,
Bouxboux daeuj bangcoh,
Caezgya goj bienq fouq.

Bouxmbanj caeuq bouxrung,

Gungzhoj mbouj hawj nem,
Vid dinvaq vid gen,
Haenqrengz doengzcae z guh.

Cibgouj daih gangj ndei,
Diuzdiuz ngeix beksingq,
Seizneix bae ywbingh,
Lij lingh bouj ndaej ngaenz.

Gangj daengz dwk fujbai,
Vunzlai bouxboux angq,
Bouxlawz dwg vunz famh,
Cauh fan de roengz daiz.

Dwk fujbai roengz daiz,
Raeuz vunzlai cij onj,
Dangj daiq raeuz bae gonq,
Onj lumj ruz cib cauh.

Miz roen youh miz dienh,
Fuengbienh raeuz baenzlai,

Bae dauq roen mbouj byaij,
Bae gai miz ci naengh.

Ndaw mbanj caeuq ndaw haw,
Lumj aencaw fat rongh,
Gyanghaemh ndaw diuz hongh,
Daeng ndongq lumj daengngoenz.

Gaen riengz gungcanjdangj,
Siujgangh youq seizneix,
Gvaq hwnj ndwenngoenz ndei,
Mbouj caj geijlai nanz.

Cwngcwz dingh ndaej ndei,
Simheiq(simnyap) bienq vuenyungz,
Bouxmbanj caeuq bouxrung,
Cungj lumj youq diegsien.

Cibgouj daih ndei lai,
Nai mbouj liux mbouj caenh,
Gaen riengz gungcanjdangj,
Roen bae gvangqlienglieng.

Hungzlingjginh Sim Coh Dangj

红 领 巾 心 向 党

□ Lij Haijyen / 李海燕

Caet nyied it hauh beksingq angq,
Goenghoh dangj raeuz ndaej bak bi.
Ciengq go goksad miz lwgnyez,
Rumz ci cienz daengz cien fanh leix.
Dangj dwg daengngoenz nyez dwg va,
Dujva hai coh aen daengngoenz.
Hungzlingjginh dou gyaez dangj lai,
Daihdaih mbouj lumz gungcanjdangj.
Geizhoengz dangj raeuz dangjrumz mbin,
Mbouj lumz lwedhanh gyoengq lezsw.
Aencingz aendangj dou aeu rox,
Gyo' mbaiq aendangj geiq ndawsim.
Daj iq couh aeu mbouj lau hoj,
Vih guek okrengz dou miznaj.
Doeklaeng dou aeu laebdaeb byaij,
Saenqhwnz guek raeuz duh faenh dou.
Haenqrengz hagsib miz dungxcaiz,
Majhung bauqdap aendangj raeuz.

“Baenzlawz baez bae song bi
cungj mbouj miz di siusik dauq ne?
Yanghgangj youh mbouj dwg Baeking
Sanghai, gek ndaej mbouj suenq
gyae ha!” Ah Duj miz di ngeiz naeuz,
doq yamq hwnj mbaeklae doq cam
de, “meh mwngz niemh mwngz
niemh baenz binghnaek bae, youq
gwnz congz ninz le song ndwen lai,
ai……”

“Deng lo, gou couhdwg daeg-
daengq daeuj gyo' mbaiq sou ne!
Caeklaiq ranz sou bangfwngz……”

“Wnggai yienghde guh, mwngz
youh mbouj youq ranz, caezgya cungj
dwg vunz aen mbanj he ha!”

Mwhneix, gaenq byaij haeuj
ndaw ding hung lo, dingdangz ndawde
miz vunz baij daiz baij daengq,

·Sawcuenhvaez Lwgnyez·

Gij Golwgnyez Henz Dahhoengz

红 水 谣

□ Lanz Haijyangz Moz Beibei / 蓝海洋 莫蓓蓓

lwgnyez buet bae buet dauq. Yienz-
naeuz seiq daeglwz Cinz Dayenz cungj
gaenq aeuyah lo, hoeng mbouj faen
ranz, seiq ranz bajliuz youq aen ranz
hung he, sam daih caemhyouq, gvaq
ndaej doxndei doxhuz. Youq rog
mbanj yawjraen mbwnrenx bienq
ndaej fwzrikrik, hoeng, youq ndaw
ranz Cinz Dayenz saekdi hix yawj
mbouj ndaej ok. Gij va nywj ndaw

batva ndaw gyanhghongh hoengghwd
lumj gaxgonq, ndaw ding daiz eij caet
saekhoengz lij dwg uet ndaej seuq-
cingh dangqmaz, mbouj raen saek
naed faenx, lozyieng gwnz daiz biu gij
heiqhom gofaexgeq. Lungz Byauh ing
faggvak youq henz mbaeklae dou
dingdangz, ngaemgyaeuj byaij haeuj
ndaw ding bae.

Cinz Dayenz cit doengzien,

riunyumnyum heuh Lungz Byauh
naengh roengzdaeuj, doeklaeng cam
de song bi neix gvaq ndaej baenzlawz
yiengh, Lungz Byauh mbouj haeujsim
han, lwgda de baenqletlet cim gyoengq
mehmbwk byaij bae byaij dauq ndaw
ranz Cinz Dayenz, de ngeix Siu Cuh
wnggai rox de daeuj luba? Rox daengz
ndaw ding daeuj doxraen ne?

(caengz sat)